

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine (" Službene novine Federacije Bosne i Hecegovine", broj: 34/03), člana 46. Zakona o pravobranilaštvu (" Službene novine Kantona Sarajevo", broj: 33/08,7/12), člana 13. Odluke o pravobranilaštvu Općine Stari Grad ("Službene novine Kantona Sarajevo broj: 18/09),Odluke o standardima i kriterijima za imenovanje pravobranioca Općine Stari Grad Sarajevo (" Službene novine Kantona Sarajevo", broj 21/03) i Odluke Općinskog vijeća broj: 02-49-226/12 od 25.04.2012. godine, Načelnik Općine Stari Grad Sarajevo, objavljuje

JAVNI OGLAS
za imenovanje
OPĆINSKOG PRAVOBRANIOCA

1. Pravobranilac Općine Stari Grad Sarajevo.....1 izvršilac

Pravobranilac se imenuje na period od četiri godine i može biti ponovo imenovan.

Uslovi:

Kandidati za općinskog pravobranioca dužni su da ispunjavaju slijedeće opće uslove:

- da su državljani Bosne i Hercegovine
- da su stariji od 18 godina
- da imaju završen pravni fakultet i položen pravosudni ispit
- da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije.
- da se na njih ne odnosi član IX.1. Ustava Bosne i Hercegovine
- da posjeduju iskustvo na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima u trajanju najmanje tri godine;
- da posjeduje najviše moralne osobine za obavljanje službe pravobranilaštva.

Prilikom ocjene kvalifikacije i iskustva kandidata uzet će se u obzir i slijedeće:

- stupanj naobrazbe kandidata;
- posjedovanje posebnih specijalistikih znanja;
- iskustvo u više pravnih oblasti;
- sposobnost kreativnog doprinosa u izradi općinske pravne regulative
- rezultati ostvareni tokom karijere
- pismene preporuke ranijih neposrednih rukovodilaca

Uz prijavu kandidati su dužni dostaviti kraću biografiju i dokaze o ispunjavanju općih i posebnih uslova (original ili ovjerene kopije):

1. Diploma o završenom Pravnom fakultetu
2. Uvjerenje o položenom pravosudnom ispitu
3. Uvjerenje o radnom iskustvu
4. Dokaz o poznavanju rada na računaru
5. Izvod iz matične knjige rođenih (ne stariji od šest mjeseci)
6. Uvjerenje o državljanstvu (ne starije od šest mjeseci)
7. Uvjerenje da se protiv kandidata ne vodi krivični postupak (ne starije od tri mjeseca)
8. Izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije.
9. Izjavu da kandidat nije obuhvaćen članom IX.1. Ustava Bosne i Hercegovine

Javni oglas ostaje otvoren petnaest dana od dana posljednjeg objavljivanja.

Nepotpune i neblagovremene prijave neće se razmatrati.

Prijave kandidata sa dokazima o ispunjavanju uslova dostaviti na adresu:

Općina Stari Grad Sarajevo, sa naznakom "Komisiji za izbor općinskog pravobranioca"
Ulica Zelenih beretki broj 4, Sarajevo

NAČELNIK OPĆINE

mr.Ibrahim Hadžibajrić

Broj: 01-05-11-1067/12